

程

吾吾類稿序

吳承學字舜舉

原叙

精廬藏書

精廬藏書

胡居敬

胡居敬

強圉作噩之祀余還江右抵臨江假寓天寧寺寺密
邇郡庠因與教授吾吾吳先生舜舉游先生嘗語余
曰郡承大亂之後民皆習武事厭儒術學宮雖存弦
誦絕響教無所敷吾甚恥之既而時異事殊先生屏
居閭里闢一室績學藝文惟以奉親訓子為務勢利
紛華之習眎之漠如也郡洊罹兵變干戈相承學宮

荒閭袁筠之境遺民逸士聞先生名每延置其家奉
贄請益雖武夫悍將多遣弟子就學焉四方搢紳大
夫求詩若文戶履恒滿平居無事操觚染翰著述不
厭境與意會必形之吟詠學者多傳誦之遭時多難
竟齋志以歿惜哉先生歿十餘年其子均彙次遺稿
屬為叙余嘗見先生文集篇帙甚富今所存僅若此
蓋掇拾於喪亂之餘不能全也先生之文典實古雅
從容於法度之中其為詩冲澹和平發乎性情之正
世之工乎侈靡浮麗以流連光景嘲弄風月者不可

並論也先生世家臨州履齋丞相之諸孫也蚤游吳
文正公之門獲聞聖賢之學故處乎世卓然不易
所守使得位而見諸用其事業必有可觀也詞章云
乎哉均字仲權好學而文能守其家學云

又叙

梁平寅

余留郡城獲觀吳舜舉吾吾先生請尤妙於五言如
竹林清颯頡蘓煩鬱如蘭舉秋露夏殊塵境因嘆曰
詩形于音音生于心心有所契音乃中節先生之詩
中節之音也而余未能知之憶余弱冠時與先生同

處豫章郡庠為弟子員余之學未知方志有不定因謂人皆然固余之愧也後三十年先生為臨江郡博士遂屢見之以急遽流離未暇考德問業知先生未盡又可愧也後又二十餘年而先生歿矣而始獲盡觀其詩文皆亶亶古人乃大愧焉以五十年之交友而知之未能盡何也其失原于自怠而闕于知人也嗚呼白首巖扃舊交零謝欲求如先生者與之上論風雅而下評近作其可得耶先生之子均以先集見示凡先生行事前進士胡君居敬叙之詳矣余書此

于後姑以見慕之之至而媿之之深也

又叙

張羨和

詩權輿于康衢之謠賡載之歌而大備于成周之風雅頌後世雖有作者不可及矣邵康節云自從刪後更無詩非無詩也無古人之詩也非無古人之詩也無古人之性情也五言起于李陵蘇武七言起于漢武柏梁詩之為體非古也締章繪句嘲風詠月詩之為教非古也夫以古人之詩如彼而今人之詩如此謂之無果無詩哉其問有能以今人之詩體而寫古

人之性情則詩之為教猶有存者然文章與時高下漢魏之詩猶近于古下至六朝則綺麗之習勝而漢魏雄渾之氣亡矣迨夫聲入于律而絕句八句排律之作則駢為近體而拘拘于對偶婉青配白爭以纖巧新奇為尚去古遠然時之所趨其可少乎臨川吳舜舉先生蚤知學詩而能上追三百篇之義作為五七言古近二體諸詩皆本乎性情關乎世教非汎汎而作者前嘗為臨江郡博士其淑諸人者多矣亂離以來全稿散失其子均收輯遺篇于亂定之餘僅

得若干首臨江稅課司大使京兆趙君師常見而說之遂率郡中士友命工刻梓以永其傳以余與先生相知之深徵序其端余不敢辭張羹和序

吾吾類稿卷一

四言詩

答穆文學代竹言


猗猗青筠翳于崇岡
纂繁陰媚彼飛凰
有美君子德音孔彰
樵彼斧斯劊苗芟篁
永貞是保爰底于昌

靈湫宅

也筠之城隅有泉淵
然泉上為

宮肖龍以人雨暘疾疫
民有賴焉沉詩其間
神或樂之故作是詩以投之

吳臯 撰



泓彼淵湫閼靈城陬爰宅其幽承其庇休
湫淵以澍築之新宮肖人而龍厥貌有永
奕奕其庭濯濯其靈被子群生嘉祥是徵
嗟予不辰國步存屯有懷靡伸余何其臻
陳而詩之或言遺之辭之鄙矣式塵視矣

靈湫五章章四句

五言古詩

贈人歸覲鍾陵

落日白荒荒遵渚飛冥鴻苦寒繒纒薄淒其號朔風

客買鍾陵舟泛泛烟霧中自言定省曠疾首如飛蓬
行矣勿滯留觴酌欣暫同不憚畏途遠且竟信宿工
道經掘獄地尚憶劍氣紅邊烽亘殘壘離思徒忡忡
為邑早筠邑丞禱雨有感賦以贈之

霓望衆方切枯焦感愆期順成責司牧肯以叔季辭
筠邦執徐歲蔭芸亢陽曦龜折布疇晦百穀日以萎
邑丞具齋沐懇款重致詞靈湫詰朝詣甘澍應若隨
孰云璇極高頰聽亦孔卑寸念感冥寂豐穰端賴之
黔首困兵草宜郵凍與飢君子垂豈弟允異遵良規

送人赴金陵與贈吾六世皇中子吳藍身賦
風雨畢餘春飛花急如霰衡門竟朝掩好樹還葱蒨
故人隔峽表不得長相見忽聞有遠役去去游海甸
扁舟指吳會更長風便自是俊逸才列剡騰高薦
不獨蘇與張清談縱雄辯眷予篤友誼不辱鄙微賤
成名早歸來英游總驚羨

遣麴生并叙

麴生於余友義尤篤由髮燥迄今無間言
當余惟榮得意時其親愛不失左右及憂

余之世
多或感發或憤激改若欲謝余以請絕色
甚厲氣甚冽艱焉以進惡焉以沮非余間
生生之寔余間也邈不可詳自顧無所取
忤者占之前俾彈其衷以釋其惑生於是
惶感自訟曰不自敬德和而靡節或酣爰
耽爰溺遺譴于躬故茲決絕言訖斂衽而
退又若彷徨眷戀而弗忍者遂為五韻詩
以遺之

抱戚坐衡宇癡憂日以瘁玉友告交絕短氣復慨慷
靡究獲嚴譴盍亦反自臧久服狂藥醉遽絕心孔傷
俛默謝儀狄因之戒荒亡

採樵山中作

晨興遵前路縱橫復多歧停策高阜間東西安所之
松柏繁陰敷並遊多鹿麋境與俗塵遠採芝堪療飢
斧彼礪底薪束歸任烹炊迴覺人迹絕復若世事遺
借問園與綺嘉遯亦若斯吾意爛柯者局終歸若遲
余生世已季戈戟日交馳古道邈云遠撫膺心不怡

留別胡宗性

荆扉掩初秋羸卧欲終日高松落涼吹清露曉如櫛
疆起坐前楹有客款蓬室欣言良朋至辭接盡詳密
蹇予瘍在股不得屈荻蓐兵革十稔餘困悴何由畢
格鬪恣吞噬擬步輒如漆君奚膏爾車炎日屆遠出
區城圍射虎別我增憂慄直諒性所敦非君誰壹鬱
往年客孺子宅前今別十載荐罹兵燹弗果
經理不為礫之區必將為有力者所獲感今
懷昔惕乎厥中因成短章以寄此情

傾顛莫支維爰用養貞晦明德先已足動冠蓋屢下
賓賢搨禮意決歡愛奮乎千載上遠與夷叔配我來
慕高躅購屋幸相對冷冷河水清可濯亦可溉一朝
鞞鼓動四海俱橫潰迎親仕清碧事竟與時背寧知
千載後進止兩顛沛豈虞居室焚復惻陵谷改明當
謝喧囂肥遁亦焉悔

熊德新修學宮完為詩貽之

殿廡鹿層雲乃是素王宮櫺星列前敞逝川亦朝宗
顧茲兵燬餘瓦礫駭蒿蓬昔人講經地齋館一朝空

邦侯領時望斯文稱鉅公旦望畢恒禮咨度意益隆
相投得賢簿勉勉督衆工載績修完美敢昧創造功
學徒知講習游歌萃其中才彥當輩出文獻聿以崇
蹇予謬承乏事往今不同仰羨文翁化作頌表愚衷

寄錢本芳

有客游桂城于時秋告抄值茲搖落景孰緩憂心悄
行行道里遠去去知己少多君共儒素傾蓋意逾厚
道同心即契敢媿論交後永結芝蘭好何時醉醇酎
睽違多一載夢寐常携手染翰惕深衷應憐別離久

寄傅時憲

憶昔分手時四見易裘葛昕夕耿懷思曷已此心渴
丹厓成獨往瑤草向晨掇樂與童冠遊還喜俗氣脫
吾儕憐困悴高誼竟誰奪知己許論心諒君眷儒末

寄權豐城

白壁絕纖瑕瑩澈涵貞素由来荆人璞粹美非天賦
豐城列名區寶氣襍烟霧君膺竹符寄發政推仁恕
居氓積疫困德意諒宣布枉此照乘才作郡藹清譽

寄周所立

初綠藹喬林華館微薰爽粉節蠹新篁錦籜綴林響
脫巾掛蘿薛陽景散清朗洽此童冠儔林邱恣幽賞
趙璧非常珍妙鑑啟深獎蘭章枉芳札亟誦慰遐想
寧貽簡默復輒復懷枝癢思逐好風翔深期謝榛莽

又

書屋俯長衢枉顧已承屢楚然舉玉趾短策散輕步
神情獨散朗吐論發深趣君當儒林彥籍播芳譽自
是荆山珎無瑕表真度未酬連城價良用嘆遲暮

寄人

崇岡矗高梧上有彩鳳鳴疾風吹纖雲值此天宇清
汾陽唐功臣雲仍踵芳聲觀止愜平素願言接光榮
風雨晝淒淒行邁戒修塗深冬饒雪霰清寒迫微軀
不獨逃竄苦幼子復被俘仁人鑒微衷願賜尺素書
聲光久所及文采亦有餘贈以鼎呂重因之釋縻拘
感德已銘鏤終當效區區

寄劉彥行時在德安縣

聚散耿睽違悵望渺廬嶽緬驚光景邁爰致音問邈
聞當理清秩獲奏承嘉擢從容辭大理電勉署商榷

賢勞念明哲寵命均優渥君才當茂彥妙蘊等荆璞
曠瞻萌鄙吝未遯懷芳華引領雲錦間蹤迹限陽朔

寄陳伯昂 二首

絲桐托清音山水寄高調鐘期邈云遠誰為發真照
耿耿寸心存冷冷七弦妙解啟聾俗聽毋貽賤工誚
獨鶴栖長松歛翮亦閑止高視浮雲端毛羽霜雪比
長風動天末千里烟塵起顛顛霄漢心奮迅志空委

貽陳學用

前路陟崇岡涼颼悴危綠於時遠行邁散步經樓曲

去燕無餘影寒蟬鳴高木新知偶相植覲止諧所欲
才高領時望何事媚幽獨更言游歌樂嘯詠忻自足
邀余坐華館觴酌汎醕醖論心手頻握交誼自今篤

東軒天桃盛開

東軒粲繁英生色照書幌輕茜彤霞炫煖香散晴朗
東風紫陌路終日馳輪鞅撫懷隱憂集頗念嬰世網
仙源在何處整棹期獨往應有避秦人因之攄遐想

畏暑入山間二首

方懷濯水思未劃逃暑計野人林下期林鬱鬱松桂

裸袒資曠達有美哉薜荔石壁瀉流長徐徐下雲際
喬樹蠹修幹松杉表群材謾冒層雲繚繞依山隈側
徑人縱白石被荒苔解衣坐其上青蔭絕飛埃延
攬極幽渺襟抱忽然開挂冠且踈誕輕颺颯然來

癸卯歲作

獻歲娛綵侍霽景熙晨旭三陽兆開泰沴盡毆逐飛
警何方來相煽日尋感皇天久厭亂何用更搖毒慈
闈方抱恐游子心懷頗厭城市居無由詣深谷鳥
鳥亦何仁返哺遺令躅勉奉菽水歡因之慰窮獨

高秋病炎燠力疾坐清羸書樓俯長川遐瞰風帆馳
故人在天末劇我長相思裁書托雙鯉路遠莫致之
桂塘極南際磻溪逼西陲諒集童冠樂沂浴相娛嬉
鏗然 瑟意求赤何由知蹇蹇豈予病采薇當朝飢
端居自譴擬寄弟尹且報始神與
衰朽靡自振蹇運疑孤蹤素履慮恒淡困躓心已冲
鼎沸復于紀煽虐滋頑兇側睨高厚寬孱眇將無容
家君奄然逝弟妹計亦凶稔禍何慘酷憂憤激愚衷

先塋負城阿十載連蒿蓬倉皇之祀墓念此痛臂胸
孤城近改築相遠百步中序易霜露降瞻省無由從
彷徨但終日游復罹兵戎病母踰八表甘首隨儉豐
連枝阻且遠孰致音問通臨風一惆悵腸斷高飛鴻
病足彌月鄧漢傑惠紫竹杖
股瘍爰類躄良行改蹒跚伏枕伸縮窘窺閤走趨艱
賓至旁午閔余生苦顏肅進藉辭接送往卒復難忸
懷靡自解撫心不遑安交親意有會貽以紫琅玕剔
竿剪飛佩斲木驚鳴鸞紋侵宿雨潤節傲春霜寒扶

顛委令材倚之良自寬感此倫誼篤懷德劇百端時
危備驅策永矢同相完

羅氏貞女二首

國土無定疆干戈那有常倏忽致侵伐早歲迫中腸
仰天注白日含思離閨房棄絕父母恩不惜桃李芳
出門即有恃就死義有減六親為之怨世人為之傷
白骨化清流英魄托上蒼女道恒不朽感茲命名香
神州中運否世事弗獲一作莫可齊中區鼎一沸滔滔遂
沉迷廬陵未稔禍酷慘積莫稽彼姝不自昧願願辭

深閨蓄志秉全節於義諒不睨層雲蔽皦日白璧沉
黃泥已矣靡遑恤聞者懷怨悽作詩表懿行懿行良
難躋

題息軒

盛寵襲竒患林邱恣曠逸未彌草兵艱遺榮推達識
於焉世氛絕最恃耕鑿力豈伊農畝儔畢志偶沮溺
開軒面場圃充棟浩群籍學耕非二致安計作與息
作息本自然含哺便終夕

題清隱軒

巨浸渺橫流懷襄日湯湯竟朝閱羣籍時繹心所臧
客言叔度賢衰然遠騰芳豈依泉石幽深中膏肓甘
旨奉嚴親力耕道其常懿彼桀溺儔爰與寵辱忘美
子涉危亂不失居井鄉柰何參商居未獲覲清揚不
得同巧笑永永遙相望蹇予困行邁何由際時康

過鄧漢傑

廣庭列嘉樹衡門掩重閤村迴輪鞅絕幽人築其間
我來坐高軒言笑以怡顏酌以芳樽酒醉卧復忘言

晨起

暑雨洒清夜薤葉微薦爽寢酣齋館幽夢破山禽响
褰衣下幃闥紅旭貫穹壤危倏蔓群綠延吹入前敞
抱忡淡無營忻言脫塵鞅

喜雨呈郡守

積雨滯農工徂景逼餘春泖泖流潦集川陸浩無垠
東作殆難弛偶畊良苦卒雲收雨忽止驕陽肆其神
頗怪魅為虛煖焚且無旬府公具齋沐敷意徹紫宸
上天沛甘澤靡靡五夕晨幸茲歲事稔庶用舒罷民
作頌播厥美願言希秉鈞

潯陽歸塗值雨

元昊頽餘景崇雲鬱西圻震霆奮逸響紫電流餘輝
霖雨忽滂沛澗溪亦漫瀾客行偶值山况復僕馬飢
息身喬樹林餘潤襲人衣夷踞非吾偶危坐亦忘机
雨歇涉泥潦窮昏乃投歸舉首瞻羣阜烟嵐深翠微
檐隙語童樨譁言闢荆扉到家忻自慰觴酌且頻揮

三月廿日得幼兒消息聞在崇仁故里

承檄赴鰲磯茲辰乃還鄉于時際昇平欣覩憲度章
歸來踰兩載庚寅七月樂安秩滿壬辰兵起海宇糜冠攘乃知十稔

後不得霑泰康遊宦寓清碧中途逢虜狼重罹檢剝
苦所幸脫死亡癸卯秋告仲兵勢日熾昌孤城寡不
敵破陷俱倉惶四門守軍律閉禦示故常大夫且莫
越童稚焉足當矧復負荷重竄逸莫可藏于焉破歐
執仍慮或見戕父子不相保東西各彷徨乱後永相
失曷已懷抱傷有客來故里具言居處詳會面良可
必聊且慰衷腸

春日有懷
歲月只如流咄嗟冬又春去年錦水上栖栖似迷津

吾吾類稿 卷一
三
投老重扶携遠遊辟兵塵迺知百里外忽此逢故人
攄情極慰勞不惜來往頻高抱瑩冰玉逝蹤妙無倫
如可濶別久寧忘心所親

書韓安慶大節堂

大節不可奮斯為儒者儔君侯守藩屏哲蹤希德周
龍舒控淮浙勢比衿與喉環疆擁凶逆孤障截橫流
連率此開間忠良孰與侔坐念王綱頽君子懷百憂
永矢盡臣節秉心欲宣猷構堂華扁新盛氣懼豪酋
椎文勒堅珉光燄貫斗牛夫人已千載斯堂屹千秋

送郡守入覲

葛阜亘朔雲寒沍徂冬滕六擅其神元冥不言功
清章馳文湍南紀千里通入覲効臣職瀾瀾思朝宗
邦侯分符來炳炳恩意隆及茲赴京國述職戒古風
輔行得賢幕攄忠意攸同明發鳳渚湄華艘乘便風
眷此千里遙執別惜遽忽飛步登玉圻矯首仰飛龍
歸來承恩寵餘光將並蒙

贈人歸原省覲

馳車戒行邁晨興踐嚴霜重以苦寒月游子歸故鄉

吾吾類稿 卷一
雲白楚天碧清舍在其傍青原何迢迢文川亦汪洋
定省及茲晨班衣戲高堂豈不念曠昧干戈猶搶攘
歸來拜家慶此樂殊未央

春北下 廣壽寺與漢傑鄧逸人小酌因賦

屆歸迴村塗淹流畢幽趣地偏蓮界淨鳥語升陽照
神閒塵慮淡野服資儒素清芬騰古鼎似與冥搜助
蘭尊倒更酌意慳斟忘屢昏晤感良儔臨分豈容遽
相送下前墀琪花落瑤樹

詣龍祠

髻鬣喜竒事壯遊擴前聞筠陽古城隈神龍宅溪瀆
靈祇絕異好篇什輒見欣崇祠瞰前阜石磴躋層雲
流潦滙深壑湍泳亦汙汙淵湫閎靈迹及此揚清芬
揆予最淺劣謬獲忝斯文賞音此焉遇寧媿嬰俗氛
有志未由展老大奚足云願言弭金草一拯溺與焚

擬古 七首

羲畫 人文立德繼元旨斯道古攸敦卒乃滋末詞
華鄙瑯琊何况靡工綴既貽俗眼唾還為知音棄魚
目殆非玳燕石混瑤珥綺麗炫顏波淡泊啟高致焉

知大雅音詮諷含六義

神龍蟄重淵豈偶介與鱗變化入冥漠倏忽致屈伸
藏深苟無欲此性安可馴清晨滌塵慮拂拭龍脣琴
冰絲映玉軫宮徵發徽音一鼓別鶴起再鼓紫鳳吟
自非山水工曷契鍾子心貞士失知己何自免陸沉
嘉遇良難必聊且慰冲襟

褰衣涉湘渚崇蘭泛幽香折以遺所思柰此道路長
采芳須及時過時萎且黃不念桃李年離別隔兩鄉
何當早還歸慰此飢渴腸

寶氣吐光芒夜燭霄漢

孰云久淪晦精采動星象

由來至神物變化非可狀離合迹靡顯隱何由伏冥
思掘獄初博識啟浮獎

先正邈云邁名流若晨星餘光安足仰竟莫資典型
羲農逮黃虞去余幾千齡淳源就湮塞徒茲守群經
苟非述作功群寐何由醒炳炳垂懿則頗惻昧與冥
四壁但蕭然蓬蒿蔽幽居豈復計貧餒志在古人書
我來慕高誼仰止將焉如清風百代上遺言良起予
在昔炎運熄餘燠起良圖君臣及際遇魚水相與俱

乃知長嘯時興懷佐廟謨賢輔著伊呂茲士顧不殊
秉手南陽者孰識為鳳鄒出師戒兩立懇懇勤劬功
名照前代千載擅八區

擬古禱詩十二首

抱美不自獻孰識爨下材乃知荆山珎終以石見猜
鳳雛未高舉東未南陽隈何以答三顧赴敵山亦摧
八陣布雄畧出師真壯哉

淳澆無異源靡靡逐時變奈何遷末運么麼伺其便
長揖採芝叟不作市城戀忻與木石俱何意謀自見

邊隅尚傳警風塵暗寓縣前修邁高節豈為來者勸
食薇可終身深期弭龍戰

哀哀我征夫遠役在邊戍雨雪忽載途淒其感歲暮
從戎始雖壯容鬢已非故甘心許狗國勲業苦難樹
枕戈憤已盈孤征尚誰訴

比目折中路眷戀情所私浩浩燕與越驅車欲焉之
別近恒惻惻別遠寧不思寄語室中人遠遊非所期
昔聞詩與禮憶在過庭趨耳熟嚴訓及媿我昧反隅
中道逢蕩析念此氣不蘇深惟素履願竊比逢掖符

咄嗟歲月駛莫遂砭厥愚窮生貴殉義時流重進謏
彌憐虎口脫敢異蝸塗濡屨空中豈忤寧為末俗驅
魯連蹈東海却秦乃權宜戰國固多士卓然一見之
余本寒鄉民攷居河之湄尚友篤嗜古深衷切自私
一獲展良晤如救渴與饑遐躅邈千載遺矩誠足追
因之激忠憤媿乏熊虎姿
濫吹誠切祿哂此齊庭竿定從讒一言忝與碌碌俱
古稱賢達人高詣耿不誣魚目固非珎竊混明月珠
貴耳恒賤目把翫復自娛窮達有恒理敢昧待賈沽

兵塵昧遐矚藏深復潛需

荏苒春又夏芳序不我延所思邈山海迢遞隔遠天
寄書雲中鴈曠絕貽厥譽榮耀有衰歇寸心終莫遷
如何結髮親負此爽李年朱唇揚妙音豈計終取憐
當年紈扇謠安得今尚然嫵婉懷哀傷願此金石堅
躑躅下閨闈何由已悁悁
高牖照初日水木湧溝輝輝拂拭朱絲弦山水調更
微鍾子不我遇自與聾俗違無弦寄高興此意良未
非折腰早已辱豈是昧事机駿奔計已得邁迹非可

幾

古道就蕪穢末流滋誑譎
求竟何稽誰作復誰輟
知愚雖兩致寧與較懸絕
汙隆逐時變譬彼涼與
朔風吹大漠夜作千里雪
陰晴苦難恃舒慘一何別
默悟元化工喧啾息譁說

惟昔事遠遊發軔自茲始
辛勤三十載倏忽一瞬耳
未明輟環蹤竊究懷居昔
祚運厄陽九歷稔未云已
鄭重携挈心干祿為親喜
出身忝逢掖殘煖諒非炙
多艱亦屢遭破陷輒中止
自省幾寡譽所幸免譽毀

遠別同氣親昕夕竟何恃
於焉限陽朔曠濶非所擬
相思只長慟一坐致頻起
寒門嬰變故延禍及先妣
腸裂五內傷憔悴復何似
永抱終天痛不得返鄉里
德帷擁虛位徒見字盈紙
旅魂不可招痛絕真欲死
聞屬續言離亂念諸子

層雲起遙空陽曦黯淪沒
倏焉光采歇變化何倉卒
窮居念離索終朝恒兀兀
杪冬寒氣慘凜凜傷飢骨
煖律諒可回推遷任飄忽

襟詩 四首

河宿爛宵分嚴霜歌芳物噫噫南飛鴈聲逐浮雲沒
征夫懷遠役戈船連暝發孰遣嚴程緩奈此寒苦月
大布不禦冬况值霜斷骨命微難自保去去冒馳突
親知慘別離割痛永相卹歸來良有期會見早寧謐
晨起淒風厲霜氣斷肌眩涼謹代謝推遷理無違
念我蓬藿居懸磬心自怡寢食列鼎違恤凍與飢
富貴何足羨賤士安坦夷

嚴城喧夜柝嗚咽嗚羗管清輝鑑檐隙桂魄光復滿
秋聲動寥廓邊鴻起撩亂榮茂就衰歇關河音信斷

客寢不遑安孰遣愁心緩

踈散已成癖杜門養愚蒙嬌厲非素習甘此退與窮
由來方鑿資不與圓枘通孜孜為利者祇自取勞躬
廉立啟貪懦將謝夷惠功餘生苟可卑何須問汙隆

擬古十首次劉聞廷韻

逆節圮崇綱橫潰肆狂伴宗主炳麟史昧此謀寧緩
民彞詎宜泯四維遽云斷疇能靖群兇未覺事功罕
豈不念無辜憂來氣恒短卓彼一正功其人獨稱管
騎射息芳辰餘閒端可卜戲翫足娛心轅門拋蹴踘

蹴高齊浮雲式駭衆觀目將軍誇巧捷接蹠最稱速
噫彼暴殄餘窮欲未云足恢恢忱弗私惡稔禍胥促
自從喪亂來東西安所之山谷弗可居浮海弗可期
餘黎摩子遺中邊悉如茲藩維弛臣節不覓死獨遲
遁辭尚可托徒勞播聲詩媿尔孤章甫哀號奚用悲
夷邦卓傑識時議駭且驚始也義形色終焉心靡平
登山迹既邁薇蕨豈可生去余已千代昭然無隱情
後賢昧厥旨較若失萬程何河重此久修辭費將迎
子房閔韓亡捷足騁高志修名列三傑式後運籌事

圮橋期屢失詎謂偶相值鍾姿良粹美神降會元氣
明哲既保身聲名照天地漢楚茲遼哉邈矣隔淮泗
飛鴻墮遺音云有帛書字

光黨著高節明王禮不寶藏深靡求術高蹈豈無因
商嶺芝可茹楚澤蘭堪紉買斧事樵採茲馬畢晨昏
伊人不守沔胡為乃栖筠俯仰終媿作信罹遭與迤
負固擾南紀從昔著苗民虞廷一振旅舞干義常陳
祇緣類莫殄宥此弗順身嘯聚仍黷武徒勞邏與巡
綱維遽云斷那能一朝伸玄端襲儒服亦復岸此巾

徒守子雲學謾誇首陽仁投畀息群憤毋令免斯人
 世無柳下惠疇寬此夫薄全生已虧行奚用咨流落
 摛詞縱工麗未足裨述作邊廷馳羽檄擾擾夜喧柝
 流血川谷殷瘡痍曷清廓忠臣炳休光鼠輩尚安托
 經德貴不回吾否悔寧晚老去莫知非瞑行亦亡返
 堂堂潯陽守重義知所本損軀著忠節欲救天步蹇
 修名光簡冊不媿巡與遠爾獨戀鄉井歸心入私忖
 安成不可即何計遂畊墾
 謾補登山屐徒懷浮海舟孰抱樂毅才誰卧元龍樓

往事成悒悒來今悵悠悠戈舸襍游卒川塗不可游
 疇能念塗炭積此已十秋人命亦可憐倏忽水上漚
 皇風被九宇謳吟良不休

世無抑下志時竟此大無公生已窮行志用古氣
揚詞數千能本及得進清遠建馳則依捷捷及喧
流五川在教者或易詩風意三西沐先氣華尚安
道法貴石四吉否得年說老士笑知與誤行亦古
宜堂海陽守重其知所本其題音志如欲放天
宜厥然其古語如身不和
細語念道靈清生一林人合亦何漸刻多不土
耳中汝也即矣下弟必對又附蘇蘇卷四重不何

吾吾類稿卷二

五言古詩

閔君鄉初度賦以為壽

元 吳準 撰

高秋霽璇霄晨光散清朗結綺延輕颺瑞靄拂書幌
垂柳綠如縷芳塘闢前敞君子有好懷逸志青雲上
炯炯水玉姿棲棲滌塵想詩書日以娛觴詠泱歡賞
今辰屆初度親友忻俱往庭中綵衣樂玉砌蘭芽長
未契弧矢占竟被章逢獎後凋表松柏貞質荷素養

壽社聿以崇修名溢穹壤
甲辰燈夕余僑居上泉先期府公留陪上官
讌集是日值雨弗果如約因賦五言東府中
長貳

開歲連陰層雲晝恒昏投老邁迤蹇竄迹依山原
茲辰元夕臨孤坐掩衡門府公重時景華燈列前軒
上官及同賞邀余共開尊自愧庸謬姿安可並瓊璫
奈此雨如霰不得追笑言田父意頗憚語話勞温存
深期早寧謚畊鑿賴兒孫忽動遠游感何時戒歸轅

興言謝知己相逢難具論

病中七夕

清商初屆候庭柯振涼颺華月露光采彩雲亂歲蕤
卧疴苦無惊良宵心不怡堂前樹護草堂上髮成絲
連歲檢兵革困阨病復滋嗟余蹇且拙智巧無銖錙
磷緇莫或試堅白雅自持天孫嬪河鼓適與此夕期
再拜叩天孫俾我遂所祈竟宵不得命孰易愚鈍姿
方悟巧拙理付命非所移所念罹厄運鍾禍亦荐奇
窮共劇干紀天地俱瘡痍天步尚躑阻何由覩清夷

初冬

南牖霽光入温然敵春陽西馳萬扉景端居惜流光
 秉翰發藻思開筵進霞觴夙志豈終淹貧賤道其常
 素履翼無渝益堅寧敢忘鑿畊畢歲事熙治忻時康
 胡商用初度伊邇筠中貴游洎賢士友几有
 意斯文者率詣賀商用壽親罷必觴友于家
 盡歡乃已盡其事親友友寔閑倫義非好德
 者之儔疇克臻茲也余先期還臨城弗與諸
 賢之末鬱中而忸怩有以也敬賦此以致區

區情見乎辭

霜露零中野時菊吐幽芳掇以娛夙心清香遠飄揚
 蕭蕭長風至湛湛天宇涼羣卉日搖落危綠萎以黃
 自非異凡品焉能凌風霜美人皦如玉瓊裾曳琳琅
 元度冰瑩高誼摩穹蒼菽水怡親顏綵服升中堂何
 况當盛年才華擅詞場大藩著文獻爰淑俊造良慶
 門紀垂孤賓親各稱觴媿余復行邁遠意不獲將申
 言勗壯志令德期彌昌

用古意答陳子常音

美人在天末綽約瑤華姿青鸞采雲裏傳情欲憑誰
惠而能好我柔札遠見遺芳晨願相接莫待凝冰漸
望望更延竚徒劇此心悲

步出城南隅青樓敞虛牖不見如花人所餘惟老醜
門之盡俘虜無復資舒憂不意罹變遷奈此淹留久
當年特才貌何處委衰朽未能忘素心因之謝親友

答龔伯先病中見寄

新篁亞濃綠籊籊當前楹長夏羨風日高居媚幽貞
一札示佳什三秋耿余情枉此金玉音因之襟抱盈

嗟予抱微疴問疾阻修程遙雲隔曉望積雨夏氣清
長洲兩河迴通川一夕平發舸懷朝濟携儔遲宵征
延覲擾我心若懸旌

答周恒署

彌月困風雨竹屋蒼烟深紅香委濃艷半逐滄波沉
坐念芳序改積念孰能禁故人枉高步隔巷屢見尋
盍簪亦已愜况遺金玉音

書樓瞰川上積潦烟波深歎逝展遐矚湛湛天光沉
心知悵濶絕孰與愁悶禁不得共言笑迢迢阻追尋

不啻山海隔何當接徽音
失意恒鮮歡來往暫相得敢忘磷緇戒而欲試堅白
艷葩紛過眼從有好顏色榮耀何足云飄忽如過客
箕箒媚幽姿相對可終日
畫坐蓬華居翛然欣自得既無高世姿徒欲守貞白
蘭枉佳句炫若雲五色多應紫霞裏嘯咏揖仙客而
我嬰世氛相望片雲隔

古意二首答陳子常

蓬蒿栖獨鶴因此凌雲姿羽翮日摧頽顛顛當告誰

烟塵徧六合雲路忽若遺于時盛炎燠斯須變寒澌
當隨鴻鵠翔毋俾燕雀悲

衆女妬娥眉深閣掩重牖臨妝抱明鏡孰與辦妍醜
心焉誠忉忉撫景懷悠悠浮雲翳陽景焉能永終久
容華耀冰雪豈得便衰朽筠松撫寒香貞質契三友
答王仲義寄來韻

商郊沈老火清飈生夕涼芳蕤久銷歇高林又飄黃
方歎流運駛曠遠親愛傍因知坎且止式悟舍則藏
豹虎方構患何由際時康敢辭因躓苦貧賤理則常

晏歲霜露滋誰念無衣裳申章之瓊報深衷未渠央
胡宗性以詩見寄因次韻奉答二首

積雪披俎竦蔚蕃高松迥出霄漢上雲氣遙相通摩
霄一白鶴獨栖如老翁忻言得所托相與何終窮惡
木非所依蓬蒿非所容巢居足風雨矯翮隨蚪龍
太清薄雲物霏陰藹重霄經濟起才俊彤庭足英僚
七貴五侯尊金印重懸腰權寵媒異患達生分蘇樵
操斤詣空谷垂綸傍深苔畢趣謝氛垢雪頂寒蕭蕭

答鄧文學二首

秋聲起蓬戶高林喧夕風驅馬涉遠道四顧誰與同
揮杯別親愛沈憂劇心中人生百年內聚散風中蓬
豈不念時艱遽離鄉井中感 綢繆意持報憑歸鴻
楚甸翳秋陰洒洒風吹雨涼生芰荷衣路繞磧邊隄
中道逢知己握手即相與名談析元旨觴酒坐前廡
定交忘淺劣秉德希前古何以惻深衷明發川上浦
相望懷百憂平原多宿莽

周恒有喪子之感貽詩見志用韻答之

元髮生素絲歲月坐來老昔陪金閨彥總羨謀見早

遊游帝王州卓犖懷竒寶經筵籍餘光獻納每稱好
自是倥傯儔屢見如瓜棗歸來值危亂邦國鞠茂草
間閔重携挈何以豁胸抱弱子纔九齡恙作竟難保
泉扃既深掩銜哀動憂惱生寄死若歸畢竟何足道
喪明悲子憂何用苦顛倒但飲尊中物愁絕異歐掃
相覓寧憚勤聆論亦應飽

答周恒

高抱瑩冰玉心清願恒違清晨抱琴出薄莫乃言歸
宦游值喪亂頽仰萬事非暴橫日充斥未覺蹤跡稀

靖難藉英傑與子將疇依旌旆正翩翩駟馬亦駢駢
殺氣薄原野亂餘民命微淹留非懷土何能效知幾
登車輪有角不殊用重圍豈不念鄉園重以音問稀
青衫結飛鷄何用媿輕肥弱臂恨不羽徒羨歸翼飛
艱危豈恒理及茲當息机

送人歸宜春

積雨麗初陽風花迹如掃舟回金鳳渚川光媚幽島
湍驚峽束險春臺風日好歸情浩難遏攀卧耿懷抱
君應卓傑識磊砢懷至寶作郡枉令姿餘黎藉匡保

善類卷二
七
薇垣展高步洒翰搗華藻偉矣經濟心欽茲芳譽早
登賢屢開閣賓榻共傾倒嗟余交忝後瞻晤何草草
惜別意已勤奈此千里道詳袁州府志

悼友人

一坐凡數起忽動風木悲哲人遽云逝長憶涕漣
儒服起從軍慷慨無磷緇事勢一朝異不得以死辭
贊畫入戎幕計術屢出奇經邦本仁厚豈弟澤下施
眷余介叔未篤交類連枝講明發奧義不獨書與詩
敏借夙性達相與劇切憇人生百年中光陰如電馳

蓋棺志未竟已矣非所期歸櫬度蒼峽愁雲黯相隨
凝竚渺渝水端令心不怡

友人簡大元辟亂殞于沙湖痛悼賦此

興圍實媒禍積惡况不悛無辜輒旁及性命亦可憐
哀哉簡文學端居守吾元承歡具慶下况值述與遭
茲焉烽燧舉奔竄理所先愴惶昧聖訓未省戒涉川
舟棹竟失利忽墮飢蛟涎良友奄長逝臨風一潛然

觀水泛二首

巨浸日湯湯通川類溟渤憑高極遐瞰一夕洲島沒

吾吾類亦 卷一
洪濤勢泐泐滉漭去超忽瑣瑣蝦與蟬出沒龜鼉窟
焉能測變化點額詫奇物

新畬東作早原陸漫黃潦展功未遽勤甍麥病泥淖
元冥會天意卷迹亦應好方抱艱食憂餘生殆難保

過鍾山峽

過却虎頭灘又上鍾山峽逶迤一磨轉翠落羣峰掉
帆衝嵐氣斷棹安天光壓因知造化心峙流成吐納

九日郡侯燕集席間率然之作

清秋風景美芳辰屬重陽藩侯置高會賓客滿垂堂

涼飈觸軒檻清醪泛羽觴鮮肥既入饌散核具見嘗
入幕盡才傑煥然圭與璋蹇余忝文學復此叨寵光
上官秉謙德高度 汪洋禮意况周洽勢位俱能忘
坐使凋瘵愈潛欲移披猖考績見稱述奚專右循良
教城初春貽劉豫父羅士章

客舍傍蘭舉川光迴杜渚教城屆初游景物何容與
流峙奠名邑羣彥敦前矩飛躍隱至情山雲籠近塢
輕飈激軒檻香逐靡蕪吐暖霧結餘溪面洒微雨良
朋忽覲止未見心已許展席坐終日雄辯襟今古論

文會至理剖析到毫縷聆此馨歎餘覺我沉疴愈相
看謹時禁不得展尊俎二妙時往臨因之所瞻覩

投臨守

鳳渚暖春雲官船初報上長焱素濤涌平津錦帆漾
遺黎藉誰吊稔禍劇凋喪郡封勞屢拜清譽愜時望
不資敏手功塗炭何由仰宦遊徒老我且乞慈闈養
願推錫類仁孤寒釋悲悵

呈筠守

錦川何泱泱文湍漾寒玉雉堞出雲間逶迤迴相屬

譙門深甲第冠蓋如雲矗賢哉二千石出守稱良牧
推仁撫凋弊布令一何肅心焉懷豈弟聞譽藹前錄
蹇予遠遊倦先覩共追逐自是星鳳姿因之駭羣目

投郡守

時雨澤羣物秋旻豁晨瞻適游通衢中軒蓋何崇巖
上府開甲第駐此帷與襜共訝五馬尊還誇叔度廉
勤政復推恕遐邇澤畢沾粵從眎事初頌聲藹閭閻
田里遂耕鑿坐使愁歎恬承聞起深獎矧復德秉謙
才堪鼎鼐寄作郡終豈淹揆予就衰朽素標日以添

展晤懷濶略抱此媿負無一割自貽憚誰謂鉛刀銘
花雨泛春濤鳳渚停歸艫疇昔記分袂顯微迹兩殊
詎意十餘稔復此仍躊躇各訝容髮改咄此歲月徂
方辭贛石瀧又駕建鄴車巧逢豈常幸然領時需
行邁感離思永言致區區

贈朱逸人

達士適權宜辛勤濟艱危豈無林與邱那自避迫
毆携挈不遑止眷此妻與一作孥幸不失鄉井畊鑿性

所娛忻言耦沮溺避世邁厥趨吾儕重逃匿顏厚遠
故區敝廬燬兵燹疇能理臻蕪承聞起深羨永矢臻
良謨

贈別

菴浪汎通川朝來霽花雨掛帆官舫發解纜鳳凰渚
故人瓜代及執別何容與商車勞會歛經寧無補
風花攬離思繾綣傷情素多應騰薦剡香染薇垣露
彤廷急才彥促入青雲步去去勿滯留何時展良晤

贈邵瓜隱

冠盖幕邱壑乃知羸已顛無何代遽草允悟機所先
種瓜旁青門高名與代傳于為千載後再覩令緒賢
承明獻策回頰察探幽元芳圃何深深瓜瓞亦綿綿
說懌引遯栖讀書縻歲躔高識展弘閱妙蘊徹微淵
雲端揖白鶴矯首睨飛仙

贈盧仁本二首

衛生苟失宜遘疾信良苦矧乃睚眦間失治爰成瞖
高人燭其秘妙蘊布前古金膏鍊神液一筋羣盲瘡
抹療收全效芳譽藹區宇心月理一致昧者乘賦予

孰知瞭與眊君子無謬取何當拯其迷開明豁瞻覩
雙瞳貴瞭瞭眊瞻聿以明一起睚眦恙因之矇眊并
昔賢曾憫此抹藥著深情良效衍方劑收功久垂成
盧醫燭厥闕遂擅高藝名鄉邦負疴者累起數千盲
吾聞起歎羨寔茂副厥散幸為開眾瞽永資輪廓清

前朝過茶鹽鋪

永路自迢迢嘉苗方濯濯修倏夏蓊鬱炎景晝蒸爍
遠遊懷道暘離亂傷飄泊停車青楓林涼洒縹緜薄
挂冠花氣馥掃石松針落茅屋山犬吠前瞻路綿邈

田家有新釀相與共斟酌單居懷所親惻惻念離索
素節薄殘暑涼宵璇宇清翠梧溥玉露瓊樹綴雲英
前除皓采發東溟素蟾生銀漢晶澄練珠斗燦垂纓
綺席羽觴泛寶鼎篆馥輕對景思洽友承寵屢專城
豈弟竟初志撫字惻深情才子賦尤美野人思徒盈
胥晤良不數一言安足并怡親在終養一作之感此
非違榮自顧昧前筭寧能遂避征宦遊念流落時風
動縱橫不得共談笑徒茲仰高明暫須安蹇拙焉得

渝忠貞

贈道士

光党炳清節釋也亦其倫邈焉百代後孰與計屈伸
蹇余邁多艱携挈適至筠忽值羽衣客宛若太古民
自言亂南州秉心希隱淪還如吳門卒敢冀下榻賓
警邏詎云汙官達多畏人丹邱意所戀商顏心所親
妻子何足念冉冉謝世塵聞余愜素願接以警歎頻
誇鶴入寥廓天風洗衣巾

瑞芝詩

二氣鍾奇秀嘉瑞產渝川九莖呈異特五色何芳鮮
獻迹自幽曠含榮挹清妍揚芬逐微焱管笛轟蒼烟
凡卉豈其儔靈茁故所傳迥脫榛莽區遽墮冠蓋前
臬府此分歷宏綱方布宣至和斯有感至理固其然
發施良得宜凋瘵必可蠲休徵屆寧謐四海同堯天
臘月二日戲采之樂
冰霜正疑馭玉衡迴杪冬斯晨集歡晏戲采庭闈中
十年兵構患不得展從容逃竄不遑息喜惧積心忡
童稚襍稱觴拜頰貌有永親顏怡且和壽祉宜增崇

焉得樹謏草笑卧南山松

奉答大兄來韻二首

喪亂傷流離每泣淚如雨父母塋兩塋弟兄各異土
既辜連枝榮未免析薪苦脊令縱高翔難越關山阻
雖謂他人昆卒莫向余語其然所懷在荆楚
桑田昔變海城市今為墟亂象一何似承平百不如
忝役得無咎遺恨終有餘既乏負郭田安念樊邑廬
所歷盡艱險能不懷歎戲三代多變故春秋俱不書
返古欲謾紀援筆仍躊躇

新秋夜坐

華月出雲衢，流輝庭之隅。
荒烟生遠樹，涼吹落高梧。
苦悲白日短，不知清夜徂。

代送上官

紅旭麗春城，晴檐融積雪。
流雲層宇淨，陰沍頽消歇。
官河裊垂柳，金縷縜縜發。
華艘泛蘭渚，忽報上官別。
綢繆曷由展，官柳恣扳折。
多君膺寵眷，行色念倉猝。
春濤泳晴泚，載此川上月。
明發屆千里，風颿去超忽。
相望耿懷思，川塗渺難越。

送清江彭士雲

君來秋暑初，江月漸清好。
滄洲十日客，水石發幽抱。
荒荒西閔路，驅車入秋草。
得我何足論，詩成各烏帽。
西風野花明，斜日江樹老。
舉手復取別，何年重傾倒。
人生誰非客，恨我歸不早。
飛飛南國鴈，離愁滿晴昊。
風帆鼓聲急，輕舟去如掃。

題李尊師松竹梅卷

翠葆凝烟碧，蚪髯拂雲蒼。
寒芳守真白，粲粲浮清香。
秋冬凋卉葩，高姿凌雲霜。
空山渺塵俗，幽懷堪詠觴。

托交亦云堅寥寥肯相忘况乃在春谷子月萌初陽
披圖忽見此緇塵欲生光羣彥綴佳卉煥彼金玉章
契茲歲寒念交道期彌昌

茗篇

瓊樹吐芳鮮敷榮麗陽景金芽靈液滋玉蕾訥丹顏
孰掇閨苑蕤飛度碧雲嶺綠塵揚玉白鳳髓團金餅
瑤甌凝紺雲沸溢神丹鼎甘踰仙掌露啜以發清醒
輕飈洒毛髮振袂蓬萊頂羽輪須我駕忽蹤雲螭騁
君子煉忠赤懇欬摠誠敬明水醮仙官應宜受天慶

題劉善卿竹逕

籊籊冰雪姿謾謾歲寒節不有真雅操曷足匹高潔
伊誰富川上植之當墉列翠偃蚪龍安玉戛飢鸞頡
邃徑繁陰清徹牖驚飈冽景賢攸好德瞻淇爰企哲
遺榮乃尚素怡此詎非傑林居謝喧襍畢與塵鞅絕
造焉蔑期期何計已中熱

題鄒伯永竹雲山居

余生慕康樂孤游訪其蹤建城未一諸念此心中冲
鄒君居是邦植筠當列墉翠拂霄漢密陰圍牕戶濃

吟嘯清風裏裴徊碧雲中摘寔待飢鳳菱枝化游龍
結此歲寒友虛心誰與同山人讀書罷把酒澆竒胸
焉知世事變戈甲惜游逢丈夫抱竒節相與保初終
感興四首荅美和

極備懼貽譴淒淒度寒颶長夏雨如霰中堂欲成池
孰濟李膺舟屢下董生帷擬步殆如漆涉潦靡所之
美人懷蹇修展意欲籍誰婉孌如可即乘鸞出雲螭
暄涼悟推選今古一朝暮仙人盡妖妄何必懷異趣
吾觀聖賢人汙隆以時度懿則一云炳嚼彼馳且騫

君子貴修省孰謂營近務焉知謬毫釐千里殆難訢
邦國控上游從昔建戎幕孰明倚伏理頰首一今昨
當時豪俠儔意氣俱淪落負固接名區往往成犄角
侵掠歲不虛及此廢裁酌誰貽招隱篇敢效七人作
翛然坐環堵載籍竊自娛良友曠不接心埃曷蠲除
貽我金玉章惡此晤語踈函誦輒心醉何必謀市酤
中意劇欲宣殷勤致雙魚雙魚不可致眷此終躊躇

正初始晴忽雪即事

晨光動衡宇攬衣下前除因之出門去巾履襍軒車

營營道倚者亦復相銜趨米薪涌高價無論桂與珠
奈何變陰沴雨雪忽載塗力役不遑恤矧被寒饑
四郊信方壘何由保寧軀

答劉伯雍致書

暄涼謹恒序遞見更裘葛炎景告徂遷一瞬遽秋末
春游鳳山渚別去嗟何闊良朋致雙鯉慰此飢與渴
荷衣儒服老桂子秋香發延竚耿懷思孤雲去超忽

徐文哲邀飲因賦詩東在坐君子

升陽煦初景微陰忽復開衡門常晝掩客舍環蒿菜

檐隙童稚喧報道高軒乘承接未良久邀我同尊壘
四坐列珪璋俱抱照乘才媿余蹇劣姿得與先達陪
道同志愈合語洽心悠哉芳讌未及終白日西南頽
歡會良難再劇飲性所諧主賓盡百拜禮意仍兼談
感深情莫喻矩章為君裁

寄李員外

湖光灑餘香棟雲霏潤淑臺觀表層城甲第入烟霧
夜瞻元宇淨近斗龍光遠泉阿炫神怪上徹雲采互
何用沒重淵妙合天所措故人偕顯擢大府列清署

吾吾類稿 卷二
六
眷余屬末契濶別耿情素况乃顛沛餘曷使寸表露
微辭致悃勤何由展良晤

愧無卓絕識出身忝儒流宣鐸謬承乏竊獲依前修
省已重懷恣荏苒三十秋艱危起中道惻惻罹百憂
殷勤奉慈親跼蹐滯遐陬兵革荐相蹂歲月急若流
故人仕華省覲止亦靡由豈值雲泥異顧瞻非匹儔
染翰展衷曲高篇希見酬

又

亭亭谷口松鬱鬱挺修榦冰雪表貞度偃蹇倚霄漢
瑟瑟鳴長飈栖彼雲飛翰君才當柱石大象邁元莫
彤庭集髦彥擢辭裨渙汗撥余忝章逢淹迹集童冠
無由挹光儀因之濟危亂

又舊作寄李員外

巍巍聳臺觀乃在水雲間崇瞻屹砥柱高風激塵寰
湍泳石梁安霞飄窻戶閑歷世邈云遠逝蹤喜可扳
名都闢華省卽署列清班高度鑿冰玉何由希令顏
安亦云僮
逝或作慙

次蕭楫過彭原理原韻

溪中荷堪製衣溪邊樹珊瑚枝時風輕士緣贖武故人于我能相知曳杖間尋深隱處秋水芙蓉池上路裁詩染翰洒紫烟點易研朱瀉清露得錢沽酒待客來種玉耕烟遣龍去不知元霜搗熟玉兔更有情風濤撼醉但覺十里聞松聲

鼓板曲

又名棹孤舟

吳山越女嬌于春西湖晴光搖暖雲官堤垂柳綠明媚名園艷卉紅網緼秦樓管弦百花裏過雲雅調樓

中起時見江妃乘素鸞忽逐仙人跨赤鯉朱欄翠檻
隱約連平湖綠荷涵菖一片蜀錦紅模糊畫船蘭槳
蕩漾游貝闕銀濤紫霧彷彿迷蓬壺蓬壺仙人應見
招天吳紫鳳來迢迢采裾光射鮫人綃檀板輕敲催
玉簫鼉逢逢停翠橈踈蓬洒沫盤珠跳好風折竹鳴
瓊瑤碧玉樓頭韻初調含宮嚼徵散寥寥似向天上
聞簫韶雲鬢霧鬢蒼波搖水精宮裏薰風飄武陵仙
棹同相邀鳴榔擊檝乘春潮一聲欸乃穿雲霄共喜
四海煙塵消賞心切莫辜良朝鈞天妙韻最風流天

上仙音世上留見說西湖風景好錦雲深處棹孤舟
仙人御風朝紫皇宮衣夕染紅雲香露華溥溥桂花
濕銀蟾咽水宮漏長天風吹斷鳳簫引玉珂散遲仙
佩冷銀版染翰墨色光冰硯生雲舞龍影歸來悞落
長安塵宮花猶帶瓊林春南國烟消新雨露紫薇花
開玉堂曙



聖